

## Լաբորատոր աշխատանք 2

### Միջարոցեսային հաղորդակցություն (IPC) Հաղորդագրությունների հերթեր (Message Queues)

#### **msgget(), msgsnd(), msgrcv() ֆունկցիաները**

Դիտարկվում են msgget(), msgsnd(), msgrcv() ֆունկցիաների պարամետրերի հնարավոր արժեքներն ու արդյունքում ձևավորվող հնարավոր սխալները: Բոլոր ծրագրերն անհրաժեշտ արժեքները ստանում են հրամանային տողի պարամետրերի տեսքով:

#### 1. **message\_create.c**

Ստեղծում է (ստանում է) հաղորդագրությունների հերթ:

Հրամանի համառոտագիրը.

`./message_create [-cx] {-f pathname | -k key | -p} [octal-perms]`

Պարամետրերն ունեն հետևյալ նշանակությունը.

- -c  
Տեղադրել `IPC_CREAT` դրոշակը
- -f pathname  
Օգտագործել `ftok()` ֆունկցիան
- -k key  
Օգտագործել `key` արգումենտի արժեքը որպես բանալի
- -p  
Որպես բանալի օգտագործել `IPC_PRIVATE` հաստատունը
- -x  
Տեղադրել `IPC_EXCL` դրոշակը

Ծրագրի գործարկման օրինակ.

`./message_create -c -p 700`

#### 2. **message\_send.c**

Հաղորդագրությունների հերթում տեղադրում է հերթական հաղորդագրությունը:

Հրամանի համառոտագիրը.

`./message_send [-n] msqid msg-type [msg-text]`

-n պարամետրի առկայության դեպքում տեղադրում է `IPC_NOWAIT` դրոշակը:

Ծրագրի գործարկման օրինակ.

`./message_send -n 0 10 Hello`

### 3. `message_receive.c`

Հաղորդագրությունների հերթից ստանում է հերթական հաղորդագրությունը:  
Հրամանի համառոտագիրը.

`./message_receive [options] msqid [max-bytes]`


Պարամետրերն ունեն հետևյալ նշանակությունը.

- `-e`  
Տեղադրել `MSG_NOERROR` դրոշակը
- `-n`  
Տեղադրել `IPC_NOWAIT` դրոշակը
- `-t type`  
Նշել ստացվող հաղորդագրության տիպը
- `-x`  
Տեղադրել `MSG_EXCEPT` դրոշակը

Ծրագրի գործարկման օրինակ.

`./message_receive -n 0 1024`

### Client-Server ճարտարապետությունը



Նկ. 1 Client-Server համակարգի կառուցվածքը

Client-Server ճարտարապետությունն օգտագործվում է սերվերի և հաճախորդների (client) միջև տվյալներ փոխանակելու համար: Որպես տվյալների փոխանակման մեխանիզմ կարող է օգտագործվել հաղորդագրությունների հերթը: Դիտարկենք Նկ. 1-ում պատկերված սխեման, որտեղ սերվերի և հաճախորդներից յուրաքանչյուրի համար օգտագործվում է առանձին հաղորդագրությունների հերթ: Հաճախորդներից տվյալներ ստանալու նպատակով սերվերը աշխատանքը սկսելից ստեղծում է նոր հաղորդագրությունների հերթ (**Server MQ**), որի բանալին հայտնի է բոլոր հաճախորդներին: Սերվերից տվյալներ ստանալու նպատակով յուրաքանչյուր հաճախորդ աշխատանքը սկսելիս ստեղծում է նոր հաղորդագրությունների հերթ (**Client MQ**): Սերվերին տվյալներ ուղարկելիս հաճախորդը հաղորդագրության մեջ տեղադրում է իր Client MQ ID-ն, որը սերվերն օգտագործում է պատասխան հաղորդագրություն ուղարկելիս:

Նկատենք, որ սերվերը նախատեսված է տարբեր հարցումներ միաժամանակ սպասարկելու համար (**կոնկուրենտ սերվեր**): Այդ նպատակով հաճախորդից հարցում ստանալիս սերվերի հիմնական պրոցեսը ստեղծում է դուստր պրոցես (fork()), որին փոխանցում է հարցման սպասարկումը, իսկ հիմնական ծրագիրը շարունակում է սպասել նոր հարցումների: Կոնկուրենտ սերվերի այլընտրանքը **խտերատիվ սերվերն** է, որը չի կարող միաժամանակ տարբեր հարցումներ սպասարկել, քանի որ բոլոր հարցումների սպասարկումն իրականացվում է մեկ պրոցեսի կողմից:

Նման համակարգի օրինակ ներկայացված է հետևյալ ծրագրերում.

- **msg\_file.h**  
Սահմանում է հաճախորդից սերվերին ուղարկվող (requestMsg) և սերվերից հաճախորդին ուղարկվող (responseMsg) հաղորդագրությունների կառուցվածքը:
- **msg\_file\_server.c**  
Ստեղծում է սահմանված հայտնի բանալիով (SERVER\_KEY) հաղորդագրությունների հերթ (Server MQ) և կոնկուրենտ կերպով իրականացնում հարցումների սպասարկում. հաճախորդից Server MQ-ի միջոցով ստանում է ֆայլի անվանում և վերադարձնում է այդ ֆայլի պարունակությունը հաճախորդին Client MQ-ի միջոցով:
- **msg\_file\_client.c**  
Ստեղծում է նոր հաղորդագրությունների հերթ (Client MQ) և սերվերին փոխանցում հաղորդագրություն, որի մեջ գտնվում են ֆայլի անվանում և նոր ստեղծված հերթի id-ն: Նշված հերթի id-ն օգտագործվելու է սերվերի կողմից պատասխան հաղորդագրություն ուղարկելու համար:

## Առաջադրանքներ

1. Ստեղծել նոր հաղորդագրությունների հերթ՝ օգտագործելով message\_create ծրագիրը և msgget ֆունկցիային որպես բանալի փոխանցելով IPC\_PRIVATE

հաստատունը: Բացատրել ծրագրի հաջորդական կատարումների արդյունքում ստացվող հաղորդագրությունները:

2. Ստեղծել նոր հաղորդագրությունների հերթ՝ `message_create` ծրագրին փոխանցելով `-k` արգումենտը: Բացատրել `-k` և `-p` արգումենտների տարբերությունը:
3. Ստեղծված հերթերից մեկում `message_send` ծրագրի միջոցով տեղադրել 3 նոր հաղորդագրություն, որոնք կունենան հետևյալ դաշտերը.
  - `mtype = 10, mtext = "message 1"`
  - `mtype = 20, mtext = "message 2"`
  - `mtype = 25, mtext = "message 3"`
4. Վերը նշված հերթից կարդալ `mtype = 20` ունեցող հաղորդագրությունը՝ օգտագործելով `message_receive` ծրագիրը:
5. Դատարկել հերթը՝ կարդալով առկա բոլոր հաղորդագրությունները: Այնուհետև կատարել կարդալու ևս մեկ փորձ՝ `message_receive` ծրագրին փոխանցելով `-n` արգումենտը: Բացատրել ծրագրի աշխատանքի արդյունքը:
6. Կատարել `msg_file_server` և `msg_file_client` ծրագրերը: Բացատրել աշխատանքը: